



Republika e Kosovës – Republika Kosova
Paneli Zgjedhor për Ankesa dhe Parashtresa
Izborni Panel za Žalbe i Predstavke

Anr.371/2021

Paneli Zgjedhor për Ankesa dhe Parashtresa (PZAP), në panelin e përbërë nga gjyqtarët: Burim Ademi kryesues, Zyhdi Haziri dhe Ferki Xhaferi anëtarë, me pjesëmarrjen e zyrtarit të lartë ligjor Kudret Hasani, duke vendosur përkitazi me ankesën e Iniciativës Qytetare Za Slllobodu Pravdu i Opstanak, me seli në Graçanicë, paraqitur kundër subjektit politik Lista Serbe me seli në Mitrovica e Veriut dega në Graçanicë, për shkak të shënimit të grafiteve me përmbajtje zgjedhore në rrugë dhe në hyrje të oborrit të shkollës ne Graçanicë, për Zgjedhjet e Parakohshme për Kuvendin e Republikës së Kosovës, që do të mbahen më datë 14.02.2021, në seancën e panelit të mbajtur më datë 12.02.2021, mori këtë:

VE N D I M

PRANOHET e bazuar ankesa e Iniciativa Qytetare Za Slllobodu Pravdu i Opstanak, me seli në Graçanicë, Anr.371/2021 e datës 11.02.2021 për shkak të shkeljes se Kodit te Mirësjelljes për Subjektet Politike, me rastin e shënimeve të grafiteve me përmbajtje zgjedhore në rrugë dhe në hyrje të oborrit të shkollës ne Graçanicë, ndërsa subjektit politik Lista Serbe me seli në Mitrovica e Veriut dega në Graçanicë, i shqiptohet dënimi më gjorbë në lartësi prej 1,200.00 (njëmijë e dyqind) euro, të cilën detyrohet ta paguaj në afat prej 15 (pesëmbëdhjetë) ditëve, nga dita e pranimit të këtij vendimi nën kërcënim të shqiptimit të dënimit shtesë.

A r s y e t i m

Më datë 11.02.2021, Iniciativa Qytetare Za Slllobodu Pravdu i Opstanak, me seli në Graçanicë, ka paraqitur ankesë në PZAP, në të cilën pretendon se subjekti politik Lista Serbe në rrugën kryesore e cila shkon deri te vendvotimi 3401E në Graçanicë, si dhe në hyrje të oborrit të qendrës së votimit me sprej të ngjyrosur kanë shkruar grafitë me numra të subjektit të tyre politik. Me këtë rast paraqitësi i ankesës ka pretenduar se me këtë veprim subjekti politik Lista Serbe ka shkelur dispozitat e Ligjit për Zgjedhjet e Përgjithshme në Kosovë dhe rregullat zgjedhore, e njëjta kërkon nga PZAP-i që të gjobitet subjekti politik Lista Serbe dhe te detyrohet që sa më shpejt të hiqen ato grafitë nga aty.

Në përgjigjen në ankesë të datës 12.02.2021, subjekti politik Lista Serbe thekson se këto grafitë nuk janë pjesë të aktiviteteve të tyre parazgjedhore dhe dallojnë nga materialet e tyre promovuese, dhe se këto grafitë nuk janë në interesin e subjektit të tyre politik, por se theksojnë se këto grafitë ka mundësi që ti ketë shënuar ndonjë fëmijë pasi që këto grafitë janë shënuar afër shkollës. Të njëjtit theksojnë se subjektit politik Lista Serbe këto veprime më shumë i shkaktojnë dëme se sa dobi dhe te njëjtit me të marrë vesh kanë udhëzuar aktivistët e tyre që ti fshijnë nga muret ato grafitë dhe ta kthejnë murin ne gjendjen origjinale ashtu siç ka qenë.

PZAP-i, pasi që shqyrtoj ankesën vlerësoi se:

Ankesa është e bazuar

Paneli, pas shikimit të bërë në shkresave të lendes dhe foto dokumentacionet nga përmbajtja e të njëjtës pa mëdyshje vërtetohet se grafitet janë bërë nga subjekti politik Lista Serbe, ku shihet numri i 119 i këtij subjekti politik me te cilin garon ne Zgjedhjet e Parakohshme për Kuvendin e Republikës se Kosovës.

Legjislacioni aktual zgjedhor gjegjësisht neni 33 pika b) e LZP-se në mënyrë shprehimore ka ndaluar të që *gjatë fushatës zgjedhore subjekteve politike ju ndalohet vendosja e njoftimeve, pllakatave posterave, vendosja e emrave te tyre ose sloganeve ne lidhje me fushatën zgjedhore brenda ose jashtë ndërtesave publike ose godinave, në apo mbi rrugët publike etj.*

Përveç kësaj një veprim i tillë sanksionohet edhe me Kodin e Mirësjelljes i cili i detyron të gjitha subjektet politike, kandidatët, anëtarët e subjekteve dhe mbështetësit e tyre që ta respektojnë këtë kod me qëllim të krijimit të kushteve që gjatë periudhës së fushatës, veprimet e subjekteve politik të jenë në një atmosferë të tolerancës demokracisë, paqes dhe respektit për sundimin e ligjit.

Nga fotografitë e ofruara si provë dhe shkresat e tjera të lëndës, shihet qartë se nga ana e subjektit politik Lista Serbe, është shkelur dispozita e nenit 33 pika b), e LZP-së, për faktin se ne objektin publik gjegjësisht në muret e saj shihen të shënuara grafitet e subjektit politik në fjalë dhe numri i tij.

Lidhur me përgjigjen e subjektit politik Lista Serbe ku thekson se ky subjekt politik nuk e ka bërë shënimin e këtyre grafitëve dhe si arsyetim te saj thekson se atë kane mundur që ti shënojnë fëmijët, Paneli vlerësoi se me këtë përgjigje subjekti politik Lista Serbe nuk e mohon se e ka pasur të shënuara në mure slogane të saja por se e njëjta si arsyetim thekson se nuk e din se kush i ka shënuar ato, por qe ne rrethana aktuale te kohës se Fushatës zgjedhore një pohimi të tillë të subjektit politik Lista Serbe Paneli nuk ka mundur ta konsideroj si qëndrueshëm.

Duke u nisur nga gjendja e konstatuar faktike, Paneli konstaton se nga provat e ofruara shihet qartë se nga ana e subjektit politik Lista Serbe, është shkelur dispozita e lartcekur e LZP-së, si dhe Kodi i Mirësjelljes ku si përfundim kjo ka të bëjë me faktin se ky Kod i detyron të gjitha subjektet politike, kandidatët, anëtarët e subjekteve dhe mbështetësit e tyre që ta respektojnë këtë kod me qëllim të krijimit të kushteve që gjatë periudhës së fushatës, veprimet e subjekteve politik të jenë në një atmosferë të tolerancës demokracisë, paqes dhe respektit për sundimin e ligjit.

Paneli, me rastin e vendosjes se gjobës si në dispozitiv të këtij vendimi, ka marrë parasysh të gjitha rrethanat si në vijim: natyrën e shkeljes dhe ndikimit të mundshëm të saj në procesin zgjedhor në fjalët, shkallën dhe peshën e shkeljes, pjesëmarrjen e subjekti politik në zgjedhjet e mëparshme që konsiston në faktin se subjekti politik Lista Serbe, ka qenë i njoftuar me obligimet dhe përgjegjësit gjatë procesit të fushatës, shkeljet e Ligjeve zgjedhore në fuqi që ka bërë subjekti në fjalë në këto zgjedhje dhe në zgjedhjet e mëparshme në Kosovë që do të thotë se i njëjti është i njoftuar me rregullat zgjedhore si dhe shumën e fondeve që ka marrë subjekti politik prej Buxhetit të Republikës së Kosovës, për zhvillimin e aktiviteteve lidhur më fushatën zgjedhore. Po ashtu si rrethanë Paneli, mori edhe faktin që këtij subjekti, ia dha

mundësinë për tu përgjigjur ashtu që në përgjigjet e tij e njëjta i ka shlyer ato grafitë ku kanë qene te shënuara. Marrja e masave përmirësuese ka ndikuar në lartësinë e gjobës së shqiptuar si në dispozitiv të këtij vendimi.

Paneli në kuptim të nenit 120.1, pika c), dhe nenit 118.1, të LZP-së, vendosi si në dispozitiv të këtij vendimi.

Paneli Zgjedhor për Ankesa dhe Parashtrësia
Anr.371/2021 më datë 12.02.2021



Këshilla Juridike: Kundër këtij vendimi nuk lejohet ankesa konform nenit 118 paragrafi 1 të LZP-së.